



Broj: 629/20
Datum: 7.10.2020.godine

Na osnovu člana 10. tač. e) i člana 18. stav (1) Zakona o javnim nabavkama Bosne i Hercegovine („Službeni glasnik BiH“ broj: 39/14), člana 4. Pravilnika o postupku direktnog sporazuma (Sl.glasnik BiH, broj: 90/14), člana 7. i člana 11. stav (3) Pravilnika o ishrani učenika u osnovnim i srednjim školama Kantona Sarajevo (“Sl.novine Kantona Sarajevo”, broj 2/18), člana 85. Pravila škole i Odluke Skolskog odbora broj: 625/20 od 7.10.2020.godine, raspisuje se

Javni oglas za izdavanje u zakup prostora školske kuhinje sa kafeterijom

Član 1.

Izdaje se pod zakup prostorija školske kuhinje sa kafeterijom kvadrature cca 37 m² radi prodaje užina i drugih proizvoda učenicima škole za period od **01.12.2020. godine do 30.06.2021. godine**.

Ponuđeni iznos mjesечne zakupnine ne može biti manji od 300,00 KM (slovima: tristotinu i 00/100 KM).

Član 2.

Na oglas se mogu prijaviti sva pravna lica koja su registrovana za obavljanje ugostiteljsko - uslužnih djelatnosti, što će dokazati izvodom iz sudskog registra i posjedovanjem ispod navedenih certifikata. Dobavljač školskih užina, odnosno ugostiteljska firma treba da ispunjava sljedeće uslove u pogledu kvalitete đačkih užina:

- Užine prilagođene psiho — fizičkim potrebama i uzrastu učenika;
- Užine proizvedene u potpuno kontrolisanim uvjetima, od zdravih sirovina sa posebnim pakovanjem i sa odgovarajućim načinom distribucije;
- Prihvatljive cijene đačkih užina;
- Uredna dostava užina;
- Posjedovanje certifikata: ISO9000 (primarno je orijentisan na upravljanje kvalitetom) i ISO22000 (odnosi se na zdravstvenu sigurnost), HACCP.

Član 3.

Ponuda treba da sadrži:

- naziv, adresu i sjedište ponuđača,
- rješenje o upisu u sudski registar (ne starije od 6 mjeseci),
- uvjerenje o poreskoj registraciji sa identifikacionim brojem i PDV brojem,
- dokaz da pravno ili fizičko lice nije kažnjavano za kaznena djela povezana sa predmetnom djelatnošću u zadnjih pet godina izdato od nadležnog suda,
- certifikati ISO9000 i ISO22000, HACCP,
- artikle koje će prodavati sa fiksnim cijenama — cjenovnik proizvoda, fiksnu cijenu za zakup, reference o dosadasnjem radu,
- dokazi o sistemu kontrole i mjerama kojima ponuđač raspolaže za osiguranje kvaliteta (obavezan Ugovor sa verificiranoj firmom o kontroli kvaliteta proizvoda i njegovih sastojaka),
- izjava ponuđača da će poslovni prostor uzeti u viđenom stanju i isti privesti namjeni sopstvenim sredstvima,
- potvrdu porezne ispostave o izmirenim poreznim obavezama,
- potvrda banke o solventnosti firme u poslednjih šest mjeseci (ne starija od 10 (deset) dana).

Navedeni dokazi dostavljaju se kao obične ili ovjerene kopije. Ponuđač čija ponuda bude izabrana kao najpovoljnija, ukoliko je dostavio obične kopije, dužan je u roku od 5 (pet) dana nakon prijema odluke o izboru najpovoljnijeg ponuđaca dostaviti original ili ovjerenu kopiju dokaza.



Po završetku roka oglasa bit će izabran onaj učesnik koji ponudi najveću zakupninu i najkvalitetniji i najjeftiniji cjenovnik proizvoda.

Član 4.

Naročiti uslovi koje mora ispunjavati subjekt koji posluje sa hranom/ponuda su:
(1) Subjekt u poslovanju s hranom (SPH) je fizička ili pravna osoba registrirana za obavljanje određenih djelatnosti vezanih uz poslovanje s hranom.

(2) Uslovi koje mora ispunjavati subjekt koji posluje sa hranom su sljedeći:

- a) da u svom poslovanju osigura nesmetanu provedbu propisa o hrani. Kamini ili kuhinje u kojima se priprema hrana moraju biti opremljene po propisima koje zahtijevaju posebni propisi Zakona o hrani i Pravilnika o higijeni hrane;
- b) da subjekt koji priprema obrok i užinu obavezno provodi mjere HACCP čiji nadzor vrši inspekcija. HACCP (Hazard Analysis & Critical Control Points) se odnosi sključivo na zdravstvenu sigurnost. HACCP je standard koji su obavezni da primjene svi proizvođači prehrambenih proizvoda;
- c) ISO 9000 primarno je orijentisan na upravljanje kvalitetom;
- d) ISO 22000 odnosi se na zdravstvenu sigurnost (Food safety management)
- e) da svi proizvodi imaju deklaraciju koja ispunjava uslove Pravilnika o deklarisanju i svi subjekti su dužni navesti Nutritivnu deklaraciju koja daje informaciju o nutritivnoj vrijednosti.

(3) Posebni uvjeti koji se traže od subjekta koji posluje sa hranom su:

- (a) Da je u ponudi uključeno jednom dnevno jedno svježe voće: jabuka, kruška, marelica, breskva, šjiva, banana, mandarina ili naranča (dostupno sezonsko voće), te da je data prednost domaćem, lokalnom voću i povrću što podstiče razvoj domaće proizvodnje.
 - (b) Da su u ponudi peciva od cijelog zrna sa bilo kojom vrstom svježeg sira, namaza od svježeg sira, mlječnih namaza te polutvrđih sireva, koji su ujedno i podsticaj kupovini domaćih mlječnih namaza i tradicionalnih sireva.
 - (c) Da su peciva izrađena od integralnog brašna, kao i druge vrste brašna: rfieno, heljda, spelta... uz dodatak sjemenki (integralno brašno nosilac vitamina, minerala i prehrambenih vlakana, sjemenke nosioci esencijalnih masnih kiselina, vitamina...).
 - (d) Da je u ponudi izbjegnuta hrana koju općenito, pa tako i u školskoj ishrani, treba izbjegavati ili barem što rijede konzumirati. Radi se o hrani koja nije sasvim zabranjena, ali je u svakodnevni jelovnik treba uključiti samo povremeno (do dva puta mjesечно) i u srazmjerno malim količinama:
 - 1.1.) pekarski i slastičarski proizvodi, industrijski deserti (dakle, NE/tj. MINIMALNO krofnama, lisnato tijesto (paštetice, kroasani...) itd, jer u pravilu sadrže veliki udjel masti i šećera, radi Mega je preporučljivo da se u slučaju njihovog uključivanja u jelovnik koriste samo takvi proizvodi koji sadrže manje šećera i masti i koji su izrađeni na podlozi mlijeka (jogurta);
 - 1.2.) mesni, krem/čokoladni namazi, tvrdi margarini (sadrže veliki udjel masti i ili neželjenih trans masnih kiselina, radi cega se ne preporučuje njihova upotreba). Primjerena je umjerena upotreba mlječnih namaza, namaza na osnovi mlječnog putera ili pavlake;
 - 1.3.) mesni proizvodi (pašteta, hrenovke, mesni naresci i sl.). Nitrati i nitriti se koriste kao konzervansi u suhomesnatim i prerađenim mesnim proizvodima (npr. kobasice) te radi očuvanja crvene boje mesa.
- U odgojno-obrazovnim ustanovama zabranjena je prodaja prerađevina od prženog krompira (čips, pomfrit... u kojima se nalazi kancerogeni spojevi poput akrilamida). Također se zabranjuje prodaja gaziranih sokova, energetskih napitaka i zaslađenih industrijskih sokova.**

Bosna i Hercegovina

Federacija Bosne i Hercegovine

Kanton Sarajevo – Općina Iličići

JU “Četvrta osnovna škola”



Bosnia and Herzegovina

Federation of Bosnia and Herzegovina

Sarajevo Canton - Municipality Of Iličići

Public School “Četvrta osnovna škola”

Član 5.

Izabrani ponuđač je u obavezi biti registrovan u fiskalnom sistemu i redovno izdavati fiskalne račune. Prostor kuhinje se može pogledati svakim radnim danom od ponedjeljka do petka u vremenu od 10.00 do 13.00 sati u roku od 15 (petnaest) radnih dana od dana objavljivanja ovog oglasa, a koji se oglašava u ponedjeljak, 12.10.2020.godine, a zatvara se zaključno sa 26.10.2020.godine (ponedjeljak) do 12.00 sati.

Ponuđač **ne mora** imati radnicu koja bi obavljala poslove servirke/kuharice u kuhinji, s obzirom da Zakupodavac ima zaposlenicu koja obavlja poslove servirke u školskoj kuhinji.

Javno otvaranje ponuda obavit će se u ponedjeljak, 26.10.2020. godine u 13.30 sati.

Otvaranju ponuda mogu prisustvovati ovlašteni predstavnici ponuđača.

Ponude slati poštom ili dostaviti na protokol škole na adresu JU „Četvrta osnovna škola“ Iličići-Hrasnica, Put Famosa br.33.

71 210 Iličići sa naznakom „Oglas za zakup školske kuhinje sa kafeterijom“.

Oglas će se objaviti na web stranici škole, kao i na oglasnoj ploči škole na vidnom mjestu za javnost, kako bi bio vidljiv ponuđačima.

Školski odbor JU “Četvrta osnovna škola” Iličići-Hrasnica



Broj: 625/20
Datum: 7.10.2020.godine

Na osnovu odredaba Zakona o javnim nabavkama Bosne i Hercegovine („ Službeni glasnik BiH „, broj: 39 /14) i člana 85. Pravila Javne ustanove „ Četvrta osnovna škola „ Iličić-Hrasnica, Školski odbor JU „Četvrta osnovna škola“ Iličić-Hrasnica je na sjednici održanoj 7.10.2020. godine jednoglasno donio:

**ODLUKU
o raspisivanju javnog oglasa za davanje u zakup prostora školske kuhinje
sa kafeterijom**

I

Raspisati javni oglas za davanje u zakup prostora školske kuhinje sa kafeterijom koja se nalazi u prizemlju školske zgrade.

II

Vremenski period na koji se školska kuhinja sa kafeterijom izdaje pod zakup je period od **01.12.2020.godine do 30.06.2021.godine.**

III

Pravo učešća na oglas imaju sva pravna i fizička lica koja su registrovana za obavljanje ugostiteljsko-uslužne djelatnosti pružanja prehrabnenih usluga u vidu užine.

IV

Jedan ponuđač može dostaviti samo jednu ponudu.

V

Ponuđeni iznos mjesечne zakupnine ne može biti manji od 300,00 KM
(slovima: tri stotine i 00/100 konvertibilnih maraka).

VI

Prvenstvo pri odabiru će imati ponuđači koji budu imali najpovoljniju ponudu cijene zakupnine, najširi assortiman ponuđenih proizvoda i njihovih cijena u odnosu na tražene zahtjeve i koji budu ispunjavali sve uslove iz javnog oglasa.

VII

Prava i obaveze između ugovornih strana regulisat će se Ugovorom.

VIII

Odluka stupa na snagu danom donošenja.

Dostaviti:

1. Komisija za javne nabavke
2. Oglasna tabla
3. Arhiva



Predsjednica Školskog odbora


Aida Kereš